

## APPENDIX TERTIA.

### CONCILIORUM SUB GELASIO HABITORUM RELATIO.

#### CONCILIUM ROMANUM I.

*Quo a septuaginta episcopis libri sacri et authentici ab apocryphis sunt discreti, sub Gelasio, anno Domini 494 Asterio atque Præsidio consulibus.*

I.

*b Ordo librorum Veteris Testamenti quem & sancta et catholica Romana suscipit et veneratur Ecclesia, digestus a beato Gelasio papa I cum septuaginta episcopis.*

Genesis liber unus.  
Exodi liber unus.  
Levitici liber unus.  
Numeri liber unus.  
Deuteronomii liber unus.  
Iesu nave [Josue] liber unus.  
Judicum liber unus.  
Ruth liber unus.  
Regnorum [Regum] libri quatuor.  
Paralipomenon libri duo.  
Psalmorum 150 liber unus.  
Salomonis libri tres :  
Proverbia,  
Ecclesiastes, et  
Cantica cantorum.  
Item Sapientiae liber unus<sup>a</sup>.  
Ecclesiasticus liber unus.  
Item ordo prophetarum<sup>b</sup> :

*a Ad fidem catholicam illibate custodiendam, disidia tollenda, pacemque in Ecclesia restituendam, pontifex una cum concilio in eo potissimum laboravit, ut apostolice et catholica Ecclesia communio nulla vel levi macula conspersa, illibata penitus et impolluta sarta ac tecta in omnibus servaretur. Ad hoc autem præstandum sollicitiorem curiam impendens, non solum vindicasse voluit ipsam Ecclesiam ab omnibus, ut semper fuit, immunem hæresibus atque hæreticorum consortio; sed ut eam redderet a pravorum scriptorum contagione securam, omne studium adhibens, delectum habuit ecclesiasticorum librorum qui hactenus editi legi solerent: distinguens separansque, quasi os domini, mundum ab immundo, et secernens pretiosum a vilis. Cujus rei perficienda gratia decretum constitutum ab Ecclesia catholica perpetuo servandum, in quo post recensitos Veteris ac Novi Testamenti libros canonicos, adjecit de primatu Romanæ Ecclesiæ et aliarum patriarchalium Ecclesiæ juribus, ad reprimendam Constantinopolitanorum antistitutum præsumptionem et audaciam infringendam, qua se Acacius primum, inde ejus successores adversus Romanam Ecclesiam proterve nimis exerenter. SEV. BINIUS.*

*b Quotquot hoc loco enumerantur, et in canonem sacerorum librorum referuntur libri Veteris Te-*

<sup>a</sup> *Est in collectione Isidori, cuius exemplaria vetustissima duæ sunt in bibl. Collégii Paris. Soc. Jesu. In ms. cod. Dacheriano collectionis Dionysianæ, ut putat, decretum hoc Damaso tribuitur. Et Baron., ad an. 69, ex concilio Romano sub Damaso, quod continet Cresconiana collectio, partem hujus decreti exhibet. In ms. Jurensi Hormisdæ papæ tribuitur, teste P. Labbeo. In nostro inscribitur: Notitia sacramentorum Scripturarum, seu librorum canoniconum cum descriptione vel adnotatione Ge'asii papæ. Describitur hoc decretum a Vincentio Bellov, in prol. cap. 13 et 14. Multo ante, tacito Gelasii nomine, ab Alducl-*

#### A Isaiæ liber unus.

Jeremiæ liber unus.

Cinloth, id est, de lamentationibus suis.

Ezechielis liber unus.

Danielis liber unus.

Oseeæ liber unus.

Amos liber unus.

Michælæ liber unus.

Joel liber unus.

Abdias liber unus.

Jonæ liber unus.

Nabum liber unus.

Habacuc liber unus.

Sophoniæ liber unus.

Aggæi liber unus.

Zachariæ liber unus.

Malachia liber unus.

Item ordo historiarum :

Job liber unus, ab aliis omissus.

Tobias liber unus.

B Esdræ & liber unus:

Esther [Hester] liber unus.

Judith liber unus.

Machabæorum liber unus [libri duo].

Item ordo scripturarum novi et æterni Testamenti [quæm catholica sancta Romana suscipit et veneratur Ecclesia].

Evangeliorum libri quatuor.

stamenti, iidem pene omnes recensiti sunt supra canonem ultimum concilii Laodiceni, et canone 47 concilii Carthaginensis iii; item epist. 3 Innocentii primi ad Exuperium. Canonem apostolorum 84, utpote quo sacri omittuntur, et apocryphi in numerum sacerdotum referuntur, spuriū esse et illegitimum supra in notis ejusdem canonis copiose ostendimus. Veteris ac Novi Testamenti libros sacros a calunnia hæreticorum omnium liberavit doctissime et copiosissime reverendissimis et illustrissimis cardinalis Bellarminus toto lib. i de Verbo Dei scripto; illustrissimus item cardinalis Baronius tom. I Annalium, diversis in locis, S. Pauli, aliasque canonicas epistolæ cum Apocalypsi S. Joannæ a apostoli a furore et dementia hæreticorum vindicavit: ad evitandam prolixitatem istud lectorem benevolum remitto. De libris apocryphis eorumque auctoribus diversis in locis Annalium Baronius dignissima observatu adnotavit, et post eum Antonius Possevinus in Apparatu sacro. SEV. BINIUS.

<sup>b</sup> *Hoc decretum existat distincte. 15, can. 3. Lectio ejus ab originali tantopere discrepat, ut satis certo statui non possit quæ sit vera et pura Gelasii, nec magnopere inirandum sit si nonnulla sint quæ difficultatem faciunt. Vide notas emendatorum decreti Gratiani, etc. SEV. BINIUS.*

mo in lib. de Laude Virginitatis cap. 11, postea autem Gelasio appellato, ab Hincmaro Remensi, Lupu Ferrariensi, Nicolao papa, et in Cronicô Centulensi apud Dacherium, tom. IV Spicil. Vide et Capitulare Attonis tomo VIII. HARDUIN.

<sup>c</sup> *Hunc librum Hieronymus apud Hebreos non haberi affirmat, sed tantum apud Græcos. Quem etiam Jesu filium Sirach secesse indicat sicut alium subsequentem librum. LABBEUS.*

<sup>d</sup> *Libri Prophetarum, num. 16. LABBEUS.*

<sup>e</sup> *Ali., libri duo. LABBEUS.*

Secundum Matthæum liber unus.  
Secundum Marcum liber unus.  
Secundum Lucam liber unus.  
Secundum Joannem liber unus.  
Actuum apostolorum liber unus.  
Epistola Pauli apostoli numero 14.  
Ad Romanos epistola una.  
Ad Corinthios epistola duæ.  
Ad Galatas epistola una.  
Ad Thessalonicenses epistola duæ.  
Ad Ephesios epistola una.  
Ad Philippenses epistola una.  
Ad Colossenses epistola una.  
Ad Timotheum epistola duæ.  
Ad Titum epistola una.  
Ad Philemonem epistola una.  
Ad Hebreos epistola una.  
Item Apocalypsis Joannis liber unus.  
Item canonice epistola numero septem.  
Jacobi apostoli epistola una.  
Petri apostoli epistola duæ.  
Joannis apostoli epistola tres.  
Iudeæ Zeclotis apostoli epistola una.

## II.

<sup>1</sup> *Gelasii Papæ decretum cum septuaginta episcopis habitum de apocryphis scripturis.*

Post has omnes propheticas, evangelicas, atque apostolicas scripturas, quibus Ecclesia catholica per gratiam Dei fundata est, illud etiam intimandum putamus, quod quamvis universæ per orbem<sup>2</sup> catholicæ Ecclesie unus thalamus Christi sit; sancta tamen Romana catholica et apostolica Ecclesia<sup>3</sup> nullis synodis constitutis cæteris Ecclesiis prælata est, sed evangelica voce Domini et Salvatoris nostri primatum obtinuit, *Tu es Petrus, inquit, et super hunc petram aedificabo Ecclesiam meam, et portæ inferi non prævalebunt adversus eam; et tibi dabo claves regni caelorum. Et quæcumque ligaveris super terram, erunt ligata et in caelis; et quæcumque solveris super terram, erunt soluta et in caelis* (*Mauth. xvi*).

Cui data [al. addita]<sup>4</sup> est etiam societas beatissimi Pauli apostoli vasis electionis, qui non diverso, sicut haeretici garriunt, sed uno tempore, uno eodemque die, glorijs morte cum Petro in urbe Roma, sub Cæsare Nerone agonizans, coronatus est, et pariter supradictam sanctam Romanam Ecclesiam Christo Domino consecrari, talenique [al. aliisque] omnibus urbibus in universo mundo sua præsentia atque venerando triumpho prætulerunt.

Est<sup>5</sup> ergo prima Petri apostoli sedes Romana Ecclesia, non habens maculam, neque rugam, nec aliquid hujusmodi (*Ephes. v*).

Secunda autem sedes apud Alexandriam beati Petri nomine a Marco ejus discipulo et evangelista consecrata est. Ipseque a Petro apostolo in Ægyptum directus, verbum veritatis prædicavit, et gloriosum consummavit martyrium.

Tertia vero sedes apud Antiochiam ejusdem beatissimi Petri apostoli nomine habetur honorabilis, eo quod illic priusquam Romam venisset habitavit, et illic primum nomen Christianorum novellæ gentis exortum est.

## III.

<sup>6</sup> Et quamvis aliud fundamentum nullus possit ponere, præter id quod positum est, qui est Christus

<sup>1</sup> In cod. Justelli hic titulus sic legitur: *Decreta G. P. de recipiendis et non recipiendis libris: quæ scripta sunt ab eo cum 70 eruditissimis episcopis.* LABBEUS.

<sup>2</sup> Sunt hæc et in epistola 8 Nicolai papæ ad Michaelim imp. et in præfatione vetusta Concilii Nicæni, quam edidimus tom. II, quam et *Æneas Parisiensis* recitat tomo VII Spicil., pag. 95 et 97. HARDUIN.

<sup>3</sup> Sunt ista et in epist. 8 Nicolai papæ ante lau-

A Jesus (*I Cor. iii*); tamen ad ædificationem nostram, eadem sancta [al. add. id est] Romana Ecclesia post illas Veteris vel Novi Testamenti, quas regulariter suscepimus [al. superiorius notavimus], etiam has [al. alias] suscipi non prohibet scripturas, id est,

Sanctam synodum Nicænam trecentorum decem et octo Patrum, mediante maximo Constantino Augusto, in qua Arius haereticus condemnatus est.

Sanctam synodum Constantinopolitanam, mediante Theodosio seniore Augusto, in qua Macedonius haereticus debitam damnationem exceptit.

Sanctam synodum Ephesinam, in qua Nestorius condemnatus est consensu beatissimi Coelestini papæ, mediante Cyrillo Alexandrinæ sedis antistite, et Arcadio episcopo ab Italia destinato.

Sanctam synodum Chalcedonensem, mediante Marciano Augusto, et Anatolio Constantinopolitano episcopo, in qua Nestorianæ et Eutychianæ haereses simul cum Dioscoro ejusque complicitibus damnatae sunt.

B Sed et si qua sunt concilia a sanctis Patribus hactenus instituta, post horum auctoritatem et custodienda et recipienda, et decernimus, et mandamus.

## IV.

Item opuscula B. Cypriani martyris et Carthaginensis episcopi, in omnibus recipienda.

Item opuscula B. Gregorii Nazianzeni episcopi.

Item opuscula B. Basilii Cappadociæ episcopi.

Item opuscula B. Athanassi Alexandrini episcopi.

<sup>7</sup> Item opuscula B. Cyrilii Alexandrini episcopi.

Item opuscula beati Joannis Constantinopolitanæ episcopi.

Item opuscula B. Theophili Alexandrini episcopi.

Item opuscula B. Hilarii Pictaviensis [al. Proterii A'lexandrini] episcopi.

Item opuscula B. Ambrosii Mediolanensis episcopi.

Item opuscula B. Augustini Hipponensis [al. Hippoñiensis] episcopi.

Item opuscula B. Hieronymi presbyteri.

Item opuscula B. Prosperi viri religiosissimi.

Item epistolam B. Leonis papæ ad Flavianum Constantinopolitanum episcopum destinatam; enijs textum [al. de cuius textu] quispiam si usque ad unum iota disputaverit, et non eam in omnibus venerabiliter receperit, anathema sit.

Item opuscula atque tractatus omnium orthodoxorum Patrum qui in nullo a sanctæ Ecclesie Romanæ consilio deviarunt, nec ab ejus fide vel predicatione sejuncti sunt; sed ipsius communionis [al. communicationis] per gratiam Dei usque in ultimum diem vitæ sua fuere particeps, legendos decernimus.

Item decretales epistolas, quas beatissimi papæ diversis temporibus ab urbe Romana pro diversorum Patrum<sup>8</sup> consultatione dederunt, venerabiliter recipiendas.

D Item gesta sanctorum martyrum, qui multiplicibus tormentorum cruciatis, et mirabilibus confessionum triumphis irradiant [al. illustrantur]. <sup>9</sup> Quis ita esse catholicorum dubitet, et majora eos in agonijs suis perpessos, nec suis viribus, sed gratia Dei et adjutorio universa tolerasse? Sed ideo secundum antiquam consuetudinem [al. addit. et singulari cauēlam], singulare cautela in sancta Romana Ecclesia non leguntur, quia et eorum qui conscripsere nomina penitus ignorantur: et ab infidelibus

data. HARDUIN.

<sup>8</sup> Nicolaus papæ loco citato. HARDUIN.

<sup>9</sup> Nicolaus papæ loco citato. HARDUIN.

<sup>10</sup> Alio ordine recensentur in ms. LABBEUS.

<sup>11</sup> Hincmarus tom. II, pag. 543, legit consolatione, pag. 545, consolatione vel consultatione. HARDUIN.

<sup>12</sup> Al., *Quis ista catholicorum dubitet, vel, Quis catholicus dubitat majora, etc.* LABBEUS.

aut idiotis superflua, aut minus apta, quam rei ordo fuerit. scripta esse putantur [al. inseria leguntur]: sicut cuiusdam Quirici [al. Cyrisci] et Julitæ, sicut Georgii, aliorumque hujusmodi passiones, quæ ab hereticis perhibentur compositæ. Propter quod, ut dictum est, ne vel levius subsanandi oriretur occasio, in sancta Romana Ecclesia non leguntur. Nos tamen cum prædicta Ecclesia omnes martyres, et eorum glorirosos agones, qui Deo magis quam hominibus noti sunt, omni devotione veneramur.

Item Vitas Patrum, Pauli, Antonii, Hieronimis, et omnium eremitarum quas tamen vir beatissimus scripsit Hieronymus, cum omni honore suscipimus.

Item actus beati Silvestri apostolicas sedis presulis, licet ejus qui conscripsit nomen ignoretur, a multis tamen in urbe Romana catholicis legi cognovimus, et pro antiquo usu multæ hæc imitatur Ecclesie.

Item scripta de inventione crucis dominicæ, et alia scripta de inventione capituli Joannis Baptiste, novelle quædam [al. quideam] relationes sunt, et nonnulli eas catholici legunt. Sed cum hæc ad catholicorum manus pervenerint, beati Pauli apostoli præcedat sententia: *Onnia probate; quod bonum est tenete* (I Thess. v).

Item Rufinus vir religiosus plurimos ecclesiastici operis edidit libros, non nullas etiam Scripturas interpretatus est. Sed quoniam beatus [al. venerabilis] Hieronymus eum in aliquibus de arbitrio Libertate novavit, illa sentimus quæ prædictum beatum Hieronymum sentire cognoscimus; et non solum de Rufino, sed etiam de universis quos vir sapius memoratus zelo Dei et fidei religione reprehendit.

Item Origenis nonnulla opuscula quæ vir beatissimus Hieronymus non repudiavit, legenda suscipimus. Reliqua autem omnia cum auctore suo dicimus esse renuenda.

Item chronica Eusebii Cæsariensis, et ejusdem ecclesiastice Historie libros: quævis in primo narrationis sua libro tèpuerit, et postea in laudibus atque excusatione Origenis schismatici unum conscriperit librum: propter rerum tamen notitiam singularem, quæ ad instructionem pertinent, usque quaque non dicimus renuendos.

Item Orosium virum eruditissimum collaudamus: quia vnde nobis necessariam adversus paganorum calumnias dignam ordinavit historiam miraque brevitate contexit.

Item venerabilis Sedulii<sup>3</sup> paschale opus, quod hereticis descriptis versibus, insigni laude præferimus.

Item Juvenci nibilominus laboriosum opus non spernimus, sed miramur.

Cætera, quæ ab hereticis sive schismaticis conscripta vel prædicata sunt, nullatenus recipit catholica et apostolica Romana Ecclesia; <sup>4</sup> e quibus

<sup>1</sup> Vide Beronium ad an. 515 num. 10, et ad an. 324 num. 31. HARDUIN.

<sup>2</sup> Vide Papebrochium die 3 Maii, et die 4. HARDUIN.

<sup>3</sup> Sedulii opus non apparuit, nisi post Asterii consulatum. Citatut ab Isidoro in lib. de Script. Eccles. cap. 7. HARDUIN.

<sup>4</sup> Al. Quæ sint tamen quæ non recipiuntur. LABBEUS.

Al. Qui nullatenus a nobis recipi debent. LABBEUS.

<sup>5</sup> Est opus Recognitionum. HARDUIN.

<sup>6</sup> Vide Photium Cod. 114. et Augustinum lib. i contra adversarium legis et prophet. cap. 20. HARDUIN.

<sup>7</sup> Citanut ab Isidoro Pelusiota lib. ii, ep. 99. HARDUIN.

<sup>8</sup> Citanut ab Anastasio Sinaita apud Coteler. tom. III Monum. Eccles. Græcæ. HARDUIN.

<sup>9</sup> Vide Hieronym. in propositio comment. in Matthæum. HARDUIN.

<sup>10</sup> Apud Attonem Vercellensem legitur Seleucus.

A pauca, quæ ad memoriam venerunt, et catholicis vitanda sunt, credimus esse subdenda.

V.

*Notitia librorum apocryphorum<sup>1</sup> qui non recipiuntur.*

In primis Ariminensem synodum a Constantio Cesare Constantini Augusti filio congregata, mediante Tauro praefecto [al. praetorio] ex tunc et nunc, et usque in æternum confitemur esse damnatum.

Item<sup>2</sup> Itinerarium nomine Petri apostoli, quod appellatur sancti Clementis libri [decem, al. novem], octo, apocryphum.

Actus nomine Andreæ apostoli, apocryphi.

Actus nomine Thomæ apostoli, libri 10 apocryphi.

Actus<sup>3</sup> nomine Petri apostoli, apocryphi.

Actus<sup>4</sup> nomine Phili, pi apostoli, apocryphi.

Evangelium nomine Thaddæi, apocryphum.

Evangelium nomine Matthiæ, apocryphum.

Evangelium nomine Petri apostoli, apocryphum.

Evangelium nomine Jacobi Minoris, apocryphum.

Evangelium nomine Barnabæ, apocryphum.

Evangelium [al. Evangelia] nomine Thomæ quo [al. quibus] utuntur Manichæi, apocryphum<sup>10</sup> [al. apocr.].

Evangelium [al. Evangelia] nomine Bartholomæi apostoli, apocryphum [al. apocrypha].

Evangelium nomine Andreæ apostoli, apocryphum.

Evangelia quæ falsavit Lucianus, apocrypha.

Liber de infancia Salvatoris, apocryphus.

Evangelia quæ falsavit Esitius [al. Hesychius et Isicius], apocrypha.

Liber de Nativitate [al. Infantia] Salvatoris, et de Maria et obstetricie [al. addit. ejus], apocryphus.

Liber qui appellatur Pastoris, apocryphus.

Libri omnes quos fecit<sup>11</sup> Leucus [al. Lucius] discipulus diaboli, apocryphi.

Liber qui appellatur Fundamentum, apocryphus.

<sup>12</sup> Liber qui appellatur Thesaurus, apocryphus.

Liber de filiabus Adæ geneseos, <sup>13</sup> apocryphus.

<sup>14</sup> Centimetrum<sup>15</sup> de Christo, Virgilianis compaginatum versibus, apocryphum.

Liber qui appellatur Actus Teclæ et Pauli apostoli, apocryphus.

Liber qui appellatur Nepotis, apocryphus.

Liber Proverbiorum qui ab hereticis conscriptus et sancti Sixti [al. Xysti] nomine prænotatus est, apocryphus.

Revelatio quæ appellatur Pauli apostoli, apocrypha.

<sup>16</sup> Revelatio quæ appellatur Thomæ apostoli, apocrypha.

Revelatio quæ appellatur S. Stephani, apocrypha.

Liber<sup>17</sup> qui appellatur Transitus, id est Assumptio sanctæ Mariæ, apocryphus.

Liber qui appellatur<sup>18</sup> Prenitentia Adæ, apocryphus.

Liber<sup>19</sup> Ogiæ nomine gigantis, qui ab hereticis cum

In fine epistolæ Innocentii ad Exuperium, Leucus. Videtur esse Λεύκιος χαρτος apud Phot. cod. 114. HARDUIN.

<sup>11</sup> Θησαυροί apud Photium cod. 85. HARDUIN.

<sup>12</sup> Vide Cedrenum edit. Basil. pag. 3, versu 32, et pag. 6. vers. 39. Epiphani. hæres. 39, num. 6. Georgium Syncellum pag. 5. Hieron. epist. 127, mans. 18 et 24, aliasque. HARDUIN.

<sup>13</sup> Hæc vox deest in cod. Justel. hoc loco; sed pene sub finem dicitur *Cento de Christo*. LABBEUS.

<sup>14</sup> Vide Isidorum lib. de Script. Eccles. cap. 5. HARDUIN.

<sup>15</sup> Deest in nostro ms. et Justelli. LABBEUS.

<sup>16</sup> Meliti vel Melitonis Smyrnensis. HARDUIN.

<sup>17</sup> Apud Epiphani. hæres. 26, n. 8, ἀποχαλύψει τοῦ Αδάμ: nam idem esse opus Cedrenus sub initium docet. HARDUIN.

<sup>18</sup> Al. *De Vegia nomine gigante*. LABBEUS.— Al. *de Eugenia quæ*. Vide Eucholog. pag. 885, ubi πατέων πραγματία legitur, pro Γηγέντων, ut recte vox ea scribitur in cod. Reg. 1026 et 1027, et Γαγάντεων Βίθεων, apud Photium cod. 85. HARDUIN.

dracone post diluvium pugnasse singitur, apocryphus.  
 Liber qui appellatur Testamentum Job, apocryphus.  
 Liber qui appellatur Poenitentia Origenis, apocryphus.  
 Liber qui appellatur Poenitentia sancti Cypriani, apocryphus.  
 Liber qui appellatur Poenitentia Jamnae et Mambræ, apocryphus.  
 Liber qui appellatur Sortes sanctorum apostolorum, apocryphus.  
 Liber qui appellatur Laus [al. Lusus] apostolorum, apocryphus.  
<sup>1</sup> Liber qui appellatur Canones apostolorum, apocryphus.  
 Liber <sup>2</sup> Physiologus, qui ab hereticis conscriptus est, et B. Ambrosii nomine signatus [al. praenotatus], apocryphus.  
 Historia Enosebii Pamphili, apocrypha.  
 Opuscula Tertulliani, apocrypha.  
 Opuscula Lacantii [al. Firmiani], apocrypha.  
 Opuscula Africani, apocrypha.  
 Opuscula Postumiani et Galli, apocrypha.  
 Opuscula Montani, Priscillæ et Maximillæ, apocrypha.  
 Opuscula omnia Fausti Manichæi, apocrypha.  
 Opuscula Commodiani, apocrypha.  
 Opuscula alterius Clementis Alexandrini, apocrypha.  
 Opuscula Tatii [al. Tharsi seu Tascii] Cypriani, apocrypha.  
 Opuscula Arnobii, apocrypha.  
 Opuscula Tychonii, apocrypha.  
 Opuscula Cassianii [al. Cassionis] presbyteri Galliarum, apocrypha.  
 Opuscula Victorini Pictaviensis [al. Petabionensis], apocrypha.

A Opuscula Fausti Rheiensi Galliarum, apocrypha.  
 Opuscula Frumentii Cæci, apocrypha.  
 Epistola Jesu ad Abagarum [al. Abgarum] regem, apocrypha.  
 Epistola Abagari [al. Abgari] ad Jesum, apocrypha.  
 Passio Quirici [al. Cyrici] et Julitæ, apocrypha.  
 Passio Georgii, apocrypha.  
 Scriptura quæ appellatur contradicatio [al. interdictio] Salomonis, apocrypha.  
 Phylacteria omnia, quæ non angelorum (ut illi configunt), sed dæmonum magis arte [al. nominibus] conscripta sunt, apocrypha.  
 Haec et omnia his similia, quæ Simon Magus, Nicolaus, Cerinthus, Marcion, Basilides, Ebion, Paulus etiam Samosatenus, Photinus, et Bonosus, et qui similiter errore defecerunt; Montanus quoque cum suis obsecenissimis sequacibus, Apollinaris, Valentinus, sive Manichæus, <sup>3</sup> Faustus, Africanus, Sabellius, Arius, Macedonius, Eunomius, Novatus, Sabbatius, Callistus, Donatus, Eustathius, Jovinianus, Pelagius, Julianus Eclancius, <sup>4</sup> Coelestinus [al. Coelestius], Maximinus [al. Maximianus], Priscillianus ab Hispania, Nestorius Constantinopolitanus, Maximus <sup>5</sup> Unicus, Lampetius [al. Lapicius], Diocorus, Eutyches, Petrus, et alius Petrus, et quibus unus Alexandria, alias Antiochiam maculavit; Acacius Constantinopolitanus cum consortibus [al. sociis] suis; nec non et omnes heresiarchæ, eorumque discipuli, sive schismati, docuerunt vel conscripserunt quorum nomina minime retinuntur; non solum repudiata, verum etiam ab omni Romana catholica et apostolica Ecclesia eliminata, atque cum suis auctoribus auctorumque sequacibus sub anathematis indissolubili vinculo in æternum confitemur esse damnata <sup>6</sup>.

## CONCILIO ROMANUM SIVE DECRETUM

De libris recipiendis et non recipiendis a Gelasio papa cum episcopis anno circiter 496 habitu.

## ADMONITIO.

(Ex Suppl. Joan. Dom. Mansi.)

Celbre illud de libris probandis improbandisque decretum, in Romano quodam concilio editum diu multumque eruditos exercuit. Potissimum est de auctore dissidium. Conciliorum collectores omnes Gelasio papæ tribuerunt, quibus et fidem astruit Burchardus Wormatiensis, Gratianus et mss. codices plerique. Verum in codice vetustissimo collectionis Dionysii Exigu, quem Dacherius communicavit Baluzio, hoc ipsum decretum Damasi papæ nomen præsert. Denique in vetustissimo Urgellensi codice Baluzius Hormisdæ papæ nomen præfixum reperit. Chiffletius in Jurensi nongentorum annorum codice hoc decretum offendit; cumque emendationem omnium quæ ad id usque prodierant judicaret, exscribendum illud edendumque in suis ad opera Vigilius Tap. nsis notis assumpsit. Hormisdæ papæ in eo codice inscribitur; ex quo sententia de Hormissa decreti illius conditore auctoritas summa accessit. Ita rebus constitutis, factum est ut non ante multos annos cl. Fontaninus in codicem Vaticanum annorum nongentorum inciderit, qui hoc ipsum decretum profert, idemque cum multa resecat, quæ in editis leguntur, hoc præ ceteris argumento sinceritatem ejus vindicari judicavit. Id enī in solemne est huiusmodi lucubrationibus, ut quæ brevissimæ sunt, hæc genuinæ censeantur; fit enim ut notis subinde et novis additionibus tractu temporis reformentur, ut succedentium temporum disciplinæ accommodentur. Hoc ergo decretum, prout in eo Vaticano codice legitur, produxit in suo de Antiquitatibus Horæ Commentario; censuique hac vel sola auctoritate controversiam de auctore opusculi decidi, cum Gelasiano nomine inscribatur. Huic vni clarissimi sententia accessuros sanioris critica peritos omnes censeo, tum quoad operis auctorem, cum etiam quoad latum de ejus sinceritate judicium, in iis præsertim quæ resecta et plane innovata exhibet. Si enim agatur de iis quæ communia habeat cum ceteris, in multis prosectori Chiffletiano Jurensi cedit, in quo lecti probantur, ut conseruent patebit. Desiderandum proinde superesset ut tertius aliquis parisi antiquitatis codex profretetur, in quo et detractiones Vaticanæ comparent, et probate illæ Chiffletianæ lectiones offerrentur; idque si unquam sors tulerit, prolatis ultra manus eruditos excepturos non dubito. Sed bonum factum! id tandem mihi vetustum Lucensem codicem annorum nongentorum evolventi obtigit. En tibi ex eo, lector, decretum de libris probandis reprobandisque, in quo ea omnia resecta sunt, quæ desunt in Vaticano. In ceteris ad Chiffletianam lectionem potius quam ad Vaticanam accedit. Gelasiano nomine inscribitur, ac tandem tale est quale desideraveris. Neque eo tantum nomine præstat ceteris hucusque excusis; sed et ex eo commeditabitur magis, quod præfatione orne:ur nuspiam in editis legenda; quanquam doleo incuria exscriptoris luxatam esse, nec facile sanundum. Tota Gelasiana est, quantum ex stylis similitudine judicare licet. Hoc est meum de nova hac Gelasiani decreti editione ju-

<sup>1</sup> Editæ sunt in codice canonum veteræ Ecclesiæ Rom. edito ex bibliotheca D. le Pelletier, regni administræ, anno 1687, pag. 370. HAR. VIN.

<sup>2</sup> Deest in cod. Justelli. LABBEUS.

<sup>3</sup> Caturt a Vincentio Belovac. lib. vii Speculi Natur., cap. 63. HARDUIN.

<sup>4</sup> Expuncta virgula meñus legas Faustus Africanus ad di. c. Fausti Reginensis Galliarum, aliorum-

C que; atque ita eodd. Justelli et noster. LABBEUS.

<sup>5</sup> Abest a cod. Justel., et in nostro dicitur Calpus. LABBEUS.

<sup>6</sup> Al. Cynicus, sive omnino legendum ex ms. LABBEUS.

<sup>7</sup> Harduinus, qui schismatica docuerunt, etc.

<sup>8</sup> In ms. nostro, Explicit decretale editum ab Hormisda papa urbis Ronæ. HARDUIN.